

**ԱՐՅԱՆԻ ԹԵՄԻ ԱՌԱՋՆՈՐԴ ԵՎ ԳԵՐԱԳՈՒՅՆ ՀՈԳԵՎՈՐ
ԽՈՐՀՐԳԻ ԱՆԴԱՄ Տ. ՊԱՐԳԵՎ ԵՊԻՍԿՈՊՈՍ ՄԱՐՏԻՐՈՍՅԱՆԻՆ
ՇՆՈՐՀՎԵՅ ԱՐՔՈՒԹՅԱՆ ՊԱՏԻՎ**

Նորին Արքուքյուն Ամենայն Հայոց Գարեգին Ա Կաթողիկոսի հայրապետական կոնդակով արքության պատիվ եւ տիտղոս շնորհվեց Հայաստանյայց Առաքելական Եկեղեցու Արցախի թեմի առաջնորդ Գերշ. Տ. Պարգեւ եպս. Մարտիրոսյանին:

Կիրակի, հունիսի 6-ին, Աբ. Էջմիածնի հիմնադրման տոնին, հընթացս Աբ. Պատարագի, Մայր Աթոռ Աբ. Էջմիածնի լուսարարպետ Գերշ. Տ. Հուսիկ արքեպս. Սանթրուքյանը հանդիսավորապես ընթերցեց եւ Հայրապետական սրբատառ կոնդակը հանձնեց Պարգեւ Արքագանին:

Արքության բարձր պատիվը Արքագան Հորը տրվում է ծննդյան 45 եւ առաջնորդության 10-ամյակի առիթով:

Լինելով Երեւանի Բրյուսովի անվան ռուսաց եւ օտար լեզուների ինստիտուտի շրջանավարտ, 1980 թ. ընդունվել է Աբ. Էջմիածնի Հոգեւոր ճեմարան: Աստվածաբանական լրացուցիչ կրթություն է ստացել Լենինգրադի հոգեւոր ակադեմիայում, ուր փայլուն կերպով պաշտպանել է ավարտական թեզը՝ «Աստվածամաչումը ըստ քրիստոնեական ավանդության եւ միստիկական ուսմունքների՝ յոզայի, թեոսոֆիայի եւ անտրոպոսոֆիայի» թեմայով, որի համար եւ երջանկահիշատակ Վազգեն Ա Կաթողիկոսի կողմից ստացել է ծայրագույն վարդապետական աստիճան:

Արքագան Հայրը, իբրեւ դասախոս եւ փոխտեսուչ, իր նպաստն է բերել Աբ. Էջմիածնի Հոգեւոր ճեմարանի դաստիարակչական գործին, եղել է Աբ. Հռիփսիմե վանքի վանահայրը:

1989 թվականից ի վեր Պարգեւ Արքագանը Արցախի թեմի առաջնորդն է, եւ Վեհափառ Հայրապետի բնորոշմամբ՝ Արքագան Հոր անունը անքակտելիորեն կապվել ու անբաժանելի մասն է դարձել արցախյան գոյապայքարի:

«Ահա տասը տարիներ սահեցին այդ պատմական օրվանից, եւ Դուք, Չեր գործակից ու լծակից հոգեւորականների հետ միասին, երբեմն աննկարագրելի զրկանքների ու տառապանքների գնով, կարողացաք հոգեւոր կյանքից բացարձակապես զրկված մեր արցախահայությանը մոտեցնել Հայաստանյայց Ա. Եկեղեցուն եւ իր աստվածօրինյալ ժառանգությանը: Այսօր Արցախի թեմն իր ողջ կառույցով դարձել է Հայ Եկեղեցու կարեւորագույն օղակներից մեկը, ուր կա կենդանի հավատք, անձնուրաց նվիրում եւ անսպառ եռանդ», - ասվում է Վեհափառ Հայրապետի կոնդակում:

Պարգեւ արքեպս. Մարտիրոսյանը Գերագույն Հոգեւոր խորհրդի անդամ է:

ՄԱՍՆԻ ԴԻՎԱՆ ՄԱՅՐ ԱԹՈՌԻ